

**CONVENIO DE COLABORACIÓN ENTRE A FUNDACIÓN PÚBLICA
GALEGA DE MEDICINA XENÓMICA E A FUNDACIÓN PARA A
INVESTIGACIÓN, O DESENVOLVEMENTO E A INNOVACIÓN “RAMÓN
DOMINGUEZ” PARA A XESTIÓN DA ACTIVIDADE INVESTIGADORA DA
FPGMX NO MARCO DO INSTITUTO DE INVESTIGACIÓN SANITARIA DE
SANTIAGO**

Santiago de Compostela, a 1 de xaneiro de 2013

Dunha parte, Angel Carracedo Álvarez actuando en nome e representación da Fundación Pública Galega de Medicina Xenómica, en adiante FPGMX, como director executivo da mesma

E doutra parte, Luis Verde Remeseiro, Xerente de Xestión Integrada de Santiago en calidade de presidente do Padroado da Fundación para a Investigación, Desenvolvemento e Innovación “Ramón Domínguez”, en adiante Fundación Ramón Domínguez, en nome e representación da mesma.

Interveñen en función dos seus respectivos cargos e en exercicio das facultades que teñen conferidas.

EXPOÑEN



O Instituto de Investigación Sanitaria de Santiago, en adiante IDIS, creouse en 2008 a través dun convenio firmado entre a Universidade de Santiago de Compostela (USC) e o Servicio Galego de Saúde (SERGAS), establecéndose que a xestión correspondería á propia USC e á Fundación IDICHUS, denominada a partires do 1 de xaneiro do 2013 Fundación Ramón Domínguez.


A FPGMX é unha Fundación Pública do Servizo Galego de Saúde que ten entre os seus obxetivos a asistencia a investigación na área de Xenómica

A Fundación Ramón Domínguez ten como obxecto a realización de actividades de promoción, prestación e xestión de recursos e servizos de docencia e investigación científica, a docencia e investigación en ciencias da saúde, así como doutras actividades que contribúan á consecución do obxecto fundacional, de interese xeral galego, e que ten como beneficiarios á poboación usuaria da sanidade galega, principalmente das áreas sanitarias de Santiago e Lugo. A Fundación Ramón Domínguez é o organismo designado polo ISCIII como ente xestor do IDIS.

Unha parte dos investigadores adscritos á FPGMX forman parte tamén do IDIS, aportando un gran valor científico e estratéxico ao Instituto, especialmente na Área de Xenética e Bioloxía de Sistemas. Na súa actividade investigadora, estes grupos fan un uso intensivo das infraestructuras da FPGMX.

Desde o Instituto de Salud Carlos III se favorece, e de feito tense requerido en varias ocasións, dispoñer dun sistema de xestión centralizada do Instituto, que se soporte na Fundación Ramón Domínguez.

Por outra banda, nun contorno cada vez máis global, de competencia polos recursos adicados á investigación, faise necesario ser extraordinariamente eficientes na xestión dos proxectos de investigación e os seus costes asociados.

Two blue ink signatures are visible at the bottom right of the page. The first signature is a stylized, circular scribble. The second signature is a more elongated, horizontal scribble.

En consecuencia, ambas partes

ACORDAN

PRIMEIRA: Os investigadores/as vinculados á FPGMX e que forman parte do IDIS xestionarán a súa actividade investigadora a través da Fundación Ramón Domínguez.

SEGUNDA: Os overheads resultantes desta actividade repartiranse inicialmente segundo os seguintes porcentaxes: 75% para a FPGMX e 25% para a Fundación Ramón Domínguez. Estes porcentaxes serán revisados en función da actividade dos grupos, facéndose unha primeira avaliación transcurrido un ano desde o inicio do presente convenio.

TERCEIRA: A execución dos orzamentos das distintas actividades de investigación, incluída a contratación de persoal vinculado a proxectos de investigación, corresponderá á Fundación Ramón Domínguez, polo que os investigadores/as vinculados á FPGMX e que formen parte do IDIS se incorporarán ao sistema de xestión ATRIUM.

CUARTA: Os investigadores da FPGMX adscritos a este convenio e ao IDIS terán iguais dereitos que os demais investigadores do SERGAS cuxa actividade sexa xestionada pola Fundación Ramón Domínguez, tanto na utilización dos recursos de xestión como de infraestructuras de investigación.

QUINTA: De común acordo entre as partes poderán establecerse excepcións a este modelo de xestión, por exemplo no caso de que algunha oportunidade de financiamento particular así o aconselle.

SEXTA. Son causas de resolución do presente convenio:

- a) Mutuo acordo dos asinantes.
- b) A denuncia dunha das partes, sempre que o notifique á outra con 6 meses de antelación.
- e) O incumprimento total ou parcial das súas cláusulas, ou a alteración



esencial do seu contido.

SÉPTIMA: Este convenio entrará en vigor ao día seguinte da súa sinatura, terá vixencia durante un ano, prorrogándose tácitamente salvo denuncia expresa dalgunha das partes.

E en proba de conformidade asínase polas partes, en duplicado exemplar no lugar e data anteriormente sinalados.

DISPOSICIÓN TRANSITORIA: As actividades de investigación xa iniciadas continuarán xestionándose como ata agora, producíndose polo tanto unha transición gradual da xestión desde a FPGMX cara a Fundación Ramón Domínguez, para aquelas actividades nas que a xestión se inicie a partir da data de sinatura do presente convenio.

**POLA FUNDACIÓN PÚBLICA
GALEGA DE MEDICINA
XENÓMICA**

Asdo.: Ángel Carracedo Alvarez

**POLA FUNDACIÓN PARA A
INVESTIGACIÓN, DESENVOLVEMENTO E
INNOVACION RAMÓN DOMÍNGUEZ.**

Asdo.: Luis Verde Remeseiro